

# ADOLAT

IJTIMOIIY-SIYOSIIY GAZETA

adolat24.uz/  
t.me/Gazeta\_Adolat

## Мамлакатимиз ташқи сиёсати ҳуқуқий асосларини такомиллаштириш вазифалари

Мазкур қонун лойиҳасига халқаро шартномалар лойиҳаларини ишлаб чиқиш ва келишиш тартибларини аниқлаштиришни, хорijdан маблағ жалб қилиш билан боғлиқ республика қарз битимлари (шартномалари) ни ва уларни ишлаб чиқиш, кўриб чиқиш ҳамда сақлаш тартибини халқаро шартномалардан фарқли равишда ажратишни кўзда тутувчи нормаларни киритиш лозим.



3



## ОСИЁ ХОТИН-ҚИЗЛАРИ ФОРУМИ:



### ТЕНГЛИК, ТАРАҚҚИЁТ ВА ФАРОВОНЛИК САРИ МУҲИМ ҚАДАМ

### ТЕМИР ЙЎЛ ЙЎЛОВЧИЛАРИГА



яна бир қулайлик

2

Ҳар қандай жамият ривожини аёллар билан боғлиқдир. Аёлларга ҳам эркаклар қаторида тенг имкониятлар яратилиб, уларнинг ижтимоий, иқтисодий ва сиёсий ҳуқуқлари таъминланишига қонунчиликда қафолатлар берилса, албатта, бундай жамият тезроқ ва жадалроқ тараққий этади.

**Зухра ИБРАГИМОВА,**  
Олий Мажлис Қонунчилик палатаси  
Спикери ўринбосари, "Адолат" СДП фракцияси раҳбари

Тан олиш керак, сўнгги йилларда мамлакатимизда хотин-қизлар ва эркаклар учун тенг ҳуқуқ ҳамда имкониятлар яратиш, жамият ва давлат ишларини бошқаришда хотин-қизларнинг тўлақонли иштирокини таъминлаш, ижтимоий, иқтисодий ва сиёсий ҳуқуқларини қўллаб-қувватлаш, шунингдек, тазйиқ ва зўравонликлардан ҳимоя қилишга қаратилган кенг қўламли ислохотлар амалга оширилди. Уларнинг оғирини енгили қилиш, ҳуқуқ ва манфаатларини таъминлаш мақсадида бир қатор қонунлар, фармон ва қарорлар қабул қилинди.

Янги таҳрирдаги Конституцияда хотин-қизлар ва эркаклар тенг ҳуқуқлилиги, давлат хотин-қизларнинг давлат бошқаруви ишларида, шунингдек, жамият ҳаётининг бошқа соҳаларида эркаклар билан тенг ҳуқуқ ва имкониятларини таъминлаши белгилаб қўйилди.

Эътиборлиси, бугунги амалга оширилаётган тизимли ислохотлар боис хотин-қизларнинг тазйиқ ва зўравонликка учрашининг олди олинмоқда, улар орасида ишсизлик даражаси камайди, аёллар тадбиркорлиги ошиб, камбағаллик қисқартирилди.

2

## ШЎРХОК ЕРЛАРДА КЎРКАМ БОҒЛАР ЯРАТИЛАДИ



Диққат, янги рукн: ДЕПУТАТ ва ЗАМОН

5

### СОХТА БЛОҒЕР



товламачилик қилаётганда ушланди

4



Ўзбекистон халқ шоири  
Халима Худойбердыева  
таваллудига 77 йил тўлди

5

### Диққат, янги рукн: СЕНИНГ ТЕНГДОШИНГ



## ЯХШИЛИК ҚИЛ, ЯХШИЛИКДАН ЯХШИСИ ЙЎҚ!

6

QR коди орқали газетанинг электрон вариантини юклаб олинг!





Депутат минбари



# Мамлакатимиз ташқи сиёсати

## ҳуқуқий асосларини такомиллаштириш вазифалари

Ўзбекистон Республикаси 1992 йил 2 март куни Бирлашган Миллатлар Ташкилотига аъзо бўлиб кирганидан сўнг, халқаро майдонда кўплаб суверен давлатлар унинг мустақиллигини тан олди. Бу эса табиий равишда мустақил давлат ташқи сиёсатининг ҳуқуқий асосларини яратишни долзарб вазифага айлантирди.

**Қодир ЖўРАЕВ,**  
Олий Мажлис Қонунчилик палатаси Халқаро ишлар ва парламентлараро алоқалар қўмитаси раисининг ўринбосари

Мустақиллик йилларида мамлакатимиз ўз ташқи сиёсатининг ҳуқуқий асосларини яратишга муваффақ бўлди. Бу борада энг асосий қонун ҳужжатлари сифатида Ўзбекистон Республикаси Конституцияси, "Ўзбекистон Республикасининг халқаро шартномалари тўғрисида"ги, Ўзбекистон Республикаси ташқи сиёсий фаолияти концепциясини тасдиқлаш тўғрисида"ги, "Ўзбекистон Республикаси Консуллик уставини тасдиқлаш тўғрисида"ги қонунлари ва бошқа норматив-ҳуқуқий ҳужжатларни санаб ўтиш мумкин.

Ташқи сиёсатни тартибга солувчи ҳуқуқий ҳужжатлар ҳақида гапирганда, энг аввало, Ўзбекистон Республикаси Конституциясига алоҳида тўхталиб ўтиш мақсадга мувофиқдир. 2023 йил 30 апрелда Умумхалқ референдумида қабул қилинган янги таҳрирдаги Ўзбекистон Республикаси Конституциясида мамлакатимизнинг тинчликпарвар ташқи сиёсати билан боғлиқ янги норма ва қоидалар, қатор моддалар, ҳусусан, 17-ва 18-моддаларга ўз аксини топди. Ушбу норма ва қоидалар мамлакатимизнинг изчил ва барқарор ташқи сиёсати конституциявий асосларини янада мустаҳкамлади.

Чунинчи, Бош қомусимизнинг 17-моддасида Ўзбекистон Республикаси халқаро муносабатларнинг тўла ҳуқуқий субъекти экани, унинг ташқи сиёсати халқаро ҳуқуқнинг умумэтироф этилган норма ва принциплари асослашиши қайд этилган бўлиб, улар бирма-бир санаб ўтилган.

Мамлакатимиз ташқи сиёсатини ҳуқуқий жиҳатдан тартибга солишга қаратилган ҳуқуқий ҳужжатлардан бири 2019 йилда янги таҳрирда қабул қилинган Ўзбекистон Республикаси Консуллик уставини ҳисобланади.

бироқ, шубҳасиз, "Ўзбекистон Республикасининг халқаро шартномалари тўғрисида"ги Ўзбекистон Республикаси қонунидир. Мазкур ҳужжат дастлаб 1995 йилда қабул қилинган бўлиб, унда қатор прогрессив нормалар ўз аксини топган бўлса-да, бироқ халқаро шартномаларни ҳуқуқий ва бошқа экспертизадан ўтказишнинг предмети аниқ кўрсатилмаган ҳамда халқаро шартномаларнинг бажарилишини таъминлаш ва бу жараён устидан кузатув олиб бориш механизми етарли шакллантирилмаган эди. Шу боис ушбу масалаларни ҳуқуқий жиҳатдан тартибга солиш мақсадида ҳамда мустақил Ўзбекистоннинг шартномавий-ҳуқуқий амалиётида тўпланган тажрибани инобатга олган ҳолда 2019 йилда мазкур қонун янги таҳрирда қабул қилинди.

Яна бир ҳужжат — 2012 йилда қабул қилинган "Ўзбекистон Республикасининг ташқи сиёсий фаолияти концепциясини тасдиқлаш тўғрисида"ги Ўзбекистон Республикаси қонунини мамлакатимиз ташқи сиёсатининг асосий принципларини, чет давлатлар ва халқаро ташкилотлар билан ҳамкорликнинг устувор йўналишларини белгилаб берди.

Ташқи сиёсий фаолият концепциясида халқаро ҳамкорликнинг шартномавий-ҳуқуқий базисини кучайтириш ва такомиллаштириш, икки ва кўп томонлама истиқболли битимлар тузиш ягона давлат сиёсати юретишининг сиёсий-дипломатик воситаларидан бири сифатида белгиланди.

Мамлакатимиз ташқи сиёсатини ҳуқуқий жиҳатдан тартибга солишга қаратилган ҳуқуқий ҳужжатлардан бири 2019 йилда янги таҳрирда қабул қилинган Ўзбекистон Республикаси Консуллик уставини ҳисобланади.

## Худудлардан хабарлар

### ҲАМШИРАЛАРГА ЭҲТИРОМ КЎРСАТИЛДИ

Бутун дунёда ҳар йили 12 май – Халқаро ҳамширалар куни сифатида кенг нишонланади. Узининг фидойиллиги билан халқимиз орасида ҳурмат қозонган, матонат ва жасорат соҳибаси бўлган ҳамширалар чинакам маънода саломатлигимиз посбонларидир. Ҳамшираларнинг касбий билим ва малакаларини ошириб бориш, моддий ва маънавий рағбатлантириш уларнинг касбига бўлган меҳрни янада оширади.

Ўзбекистон «Адолат» СДП сафида бугунги кунда минглаб тиббиёт ҳамширалари борлиги барчамизнинг фахримиз, албатта. Зеро, тиббиётдаги барча ислохотлар инсон қадрини улуглаш учун хизмат қилади.



Тадбир давомида партия сафига кириш истагини билдирган ўндан ортиқ тиббиёт ходимларига партиянинг аъзолиги билетлари топширилди.  
Гулчехра АҲМЕДОВА,  
Фарғона вилоят кенгаши матбуот котиб

### СПОРТЧИ ОИЛАЛАР БЕЛЛАШДИ

"Адолат" СДП Ғазгон шаҳар кенгаши томонидан 15 май – Халқаро оила кунига бағишлаб шаҳардаги 2-сонли давлат мактаб-гача таълим ташкилотига ота-оналар ва болалар иштирокида "Биз – спортчилар оиласимиз" мавзусида спорт мусобақаси бўлиб ўтди.



Тадбирда халқ депутатлари Ғазгон шаҳар Кенгаши депутати Ойгул Шарипова сўзга чиқиб, оилалар билан боғлиқ муаммолар масалаларга давлат ва жамоатчилик эътиборини қаратиш, оилаларда соғлом турмуш тарзини тарғиб этиш, оилаларнинг ижтимоий-иқтисодий ва демографик жараёнлар ҳақидаги билимларини чуқурлаштиришнинг аҳамияти ҳақида ўз фикр-мулоҳазаларини билдирди.

Бирлашган Миллатлар Ташкилоти Бош ассамблеяси томонидан 1993 йил 20 сентябрда "Халқаро оила куни тўғрисида"ги резолюция қабул қилинган. Ушбу халқаро ҳужжатга мувофиқ 1994 йилдан бошлаб 15 май – Халқаро оила куни сифатида дунёнинг барча давлатларида нишонланади.

Ўзбекистон Республикаси Президентининг 2018 йил 27 июндаги "Ўзбекистон Республикасида оила институтини мустаҳкамлаш концепциясини тасдиқлаш тўғрисида"ги қарорига асосан 15 май "Халқаро оила куни" сифатида юртимизда ҳам кенг нишонлаб келинмоқда.





